

Universitätsbibliothek Paderborn

Instructio practica ...

Succinctam Doctrinarum Asceticarum Svmمام Comprehendens - Quam ad majorem omnium in Ascesi proficere cupientium utilitatem ac subsidium

Lohner, Tobias

Dilingæ, 1685

Caput I. Quid sit Ascesis, & quod objectum illius.

[urn:nbn:de:hbz:466:1-48214](#)

PROLEGOMENA SUMMÆ DOCTRINÆ ASCETICÆ.

T facilius intelligantur ea , quæ in sequentibus partibus dicentur , necessariò præscienda sunt ea , quæ Ascetæ de Asceti & Perfectione in communi docent , quæ quidem ad quatuor ferè capita reduci possunt , nempe ut 1. sciatur , quid sit Ascēsis , & quod objectum illius . 2. Cùm objectum illius sit perfectio , explicandum est , in quo consistat perfectio . 3. Pariter significandum est , quotuplex sit perfectio . Et tandem 4. Reliquæ doctrinæ ab Ascetis de Perfectione assignari solitæ sunt proponendæ .

C A P U T I.

QVID SIT ASCESIS , ET QVOD OBJECTVM ILLIVS.

I. **A** Scēsis in communi plerumque definitur Scientia (latè sumpta) quæ doctrinas ad perfectionem virtutum consequendam conducentes tradit , & , quia in Asceteriis seu Religiosorum Monasteriis ordinariè docetur , *Ascetica* nomen accepit .

II. Quemadmodum autem in aliis Scientiis duplex plerumque objectum , materiale scilicet , & formale assignatur , ex quorum clariori cognitione , ipsa etiam Scientiæ essentia facilius cognoscitur ; ita in Ascetica quoque Scientia , ut natura illius , præstantia-

A que

2 Cap. I. *Quid sit Ascesis, & quod objectum illius.
que tantò clarius cognoscatur, ante omnia objectum
illius materiale & formale indagandum est.*

III. Objectum ergo materiale quod attinet, illud nihil aliud est, quam operationes voluntatis, quatenus capaces sunt ipsius perfectionis recipiendæ; cum enim perfectio, ut sequenti capite dicetur, in caritate velut perfecta possessione summi boni consistat, caritas autem in voluntate velut naturali suo subjecto resideat, merito voluntatis etiam Operationes potius objectum proximum, quam operationes intellectus statuuntur, licet haec etiam presuppositivè requirantur, multumque conducant ad perfectionem caritatis ase-
quendam.

IV. Ex qua doctrina circa objectum materiale presupposita facile nunc est ipsum etiam objectum formale assignare, quod scilicet illud nihil aliud sit, quam ipsa conducibilitas ad supremum finem optimo, quo obtineri potest, modo consequendum; per hanc quippe formalitatem velut differentiam Theologia Ascetica à reliquis quatuor Theologiis distinguitur, quæ omnes vel circa D E U M speculativè duntaxat consideratum, vel certè non sub hac ratione perfectoris possessionis spectatum versantur, uti ex ijs, quæ nunc in sequenti capite de perfectionis natura dicentur, clarius patebit.

C A P U T II.

QVID SIT PERFECTIO?

I. Perfectio in genere nihil aliud est, quam plena & absoluta finis sui ultimi consecutio; tunc enim res quilibet in suo genere perfecta censetur, cum a-
nem, propter quem facta aut creata est, plenè est ase-
qua,